

## MISSINGIUT

### **Meeqqamut akiliut pillugu nalunaarut Kalaallit Nunaannut atuuttussaq**

Meeqqat pilersorneqarnissaat pillugu inatsimmi kunngip peqqussuteqarneratigut nr. xx, xx 2024-imiit Kalaallit Nunaannut atuuttussanngortinneqartumi § 21, stk. 3, aallaavigalugu imatut aalajangiisoqarpoq:

#### Kapitali 1

##### *Nalunaarutip atuuffissaqarfii*

**§ 1.** Nalunaarut pineqartoq atorneqassaaq Naalagaaffiup sinniisaata aammalu social- aamma boligministerip meeqqanik pilersuinissaq il.il pillugit, kunngip peqqussuteqarneratigut atuuttussanngortitaasoq tunngavigalugu suliassanik suliaqarneranni.

#### Kapitel 2

##### *Pisinnaatitaaneq*

**§ 2.** Naalagaaffiup sinniisaa meeqqanut akiliutinik aalajangiinissat qaffannissallu sularisinnaavai, meeraq akiliisartorluunniit Kalaallit Nunaanni najugaqarpat imal. qinnuteqarneq Naalagaaffiup sinniisaanut taassuma ataataassutsimik anaanaaqataanermilluunniit sularinninnerani qinnuteqaataappat.

*Imm. 2.* Meeraq Kalaallit Nunaanni najugaqarpat Naalagaaffiup sinniisaata sularisinnaavai akiliutissanik appaanerit mal. unitsitsilluni atorunnaarsitsisinaaneq.

#### Kapitali 3

##### *Meeqqamut akiliummik aalajangiineq*

**§ 3.** Peqqussummi § 14, imm. 1 malillugu, akiliinissamik qinnuteqarnermi meeqqap tunngaviata allanngornera peqqutigalugu aallanngiineq

pisinnaavoq, qinnuteqarneq pisup pineranit qaammatit marluk qaangiutsinnagit pisimappat, takuulli § 8.

**§ 4.** Meeqqamut ataatassarsiuineq anaanaaqataasussarsiuinerlu meeqqap inunngorneranut atatillugu suliarineqalerpat, meeqqamullu akiliuteqarnissamik aalajangiinissaq suliap naammassineqarneranit qaammatit marluk qaangiutinnginnerani qinnuteqaatigineqarpat, taava meeqqap inunngorneraniit meeqqamut akiliutissaq aalajangiunneqassaaq peqqussummi § 14, imm. 1, tunngavigalugu, takuulli pkt. 2 aamma § 8. Meeqqamullu akiliutissaq meeqqap inunngorneraniit ataatassarsiulluni anaanaaqataasussarsiullunilu suliaqarnerup naammassineqarnerani annertussusilerlugu inissinneqassaaq. Meeqqamullu akiliutissaq angissusilerlugu aaliangiunneqassaaq ataatassarsiornerup anaanaaqataasussarnerullu naammassinneqarneranit, suliaq meeqqap inunngorneraniit ukiut marluk qaangiunneranni aatsaat naammassineqarpat, takuulli § 8.

**§ 5.** Ataatassarsiuineq anaanaaqataasussarsiuinerlu meeqqap inunngorneraniit aallartinneqanngippat, taava meeqqamut akiliutissap annertussusissaa aaliangiunneqassaaq peqqussummi § 14, imm. 1-imi allassimasut naapertorlugit, suliap naammassineqarneraniit, qinnuteqarneq suliamik naammassininnermiit qaammatit marluk qaangiutsinnagit tamanna tunniunneqarpat, takuulli § 8.

**§ 6.** Peqqussut Ilinniarnermut peqqussut § 14, imm. 3 malillugu akiliut, aalajangerneqassaaq ilinniarnerp aallartinnerani, tamatuma kingorna qinnuteqarneq qaammatit marluk qaangiutsinnagit tunniunneqarsimappat, takuulli § 8. Ilinniarnep meeqqap 18-iliinnginnerani aallartinneqarsimappat, ulloq inuuianiit aalajangerneqassaaq, qinnuteqarneq ullormit tassannga qaammatit marluk qaangiutsinnagit tunniunneqarsimappat, takuulli § 8.

**§ 7.** §§ 3-6 killissarititaasutut allassimasut qaangerneqarpata, taava meeqqamut akiliut aalajangerneqassaaq aallaavigalugu Naalagaaffiup sinniisaata tigusaani qinnuteqarnermi ulluliussa, takuulli § 8.

**§ 8.** Apeqqutaatinnagit §§ 3-7-mi allassimasut immikkut illuinnartunik tunngaveqalertillugu akiliummik aaliangiineq siusinnerusukkut kingusinnerusukkulluunniit aaliangiunneqarsinnaavoq.

**§ 9.** Nalinginnaasumik aalajangiunneqartarput meeqqap inunngornerani, atserneqarnerani tamatumalu ataani kuisinnerani aningaasartuutaasunut tapiissuteqarnissaq aammalu peqqussummi § 19, imm. 1 malillugu anaanaasumut akiliuteqartarnissaq ernineq sioqqullugu tamatumalu pereernerani, §§ 4, 5-imilu, tak. § 8, erninermiit meeqqamut akiliutissap aaliangiunnissaani tunngavissiat malinneqarsimappata.

**§ 10.** Nalinginnaasumik peqqussummi § 19, imm. 2 malillugu meeqqamik katatsinermi aningaasartuutit tapiiffigineqartarput/akilerneqartarput, tamatuminnga katatsinermit qaammatit marluk qaangiutsinnagit qinnuteqartoqarsimagaangat.

## Kapitali 4

### *Meeqqamut akiliummik allanngineq*

**§ 11.** Meeqqamut akiliummik allanngineq ullumit akiliiffissamit siullermit aalajangiinnermit pissaaq, takukkilli imm. 2-4 aamma §§ 12 aamma 13.

*Imm. 2.* Imatut pisoqartillugu akiliummik allanngineq siusinnerusukkut pisussangortinneqassaaq imm. 1-mi-mi allassimasut malikkunnaarlugit, takukkilli imm. 3 aamma 4:

- 1) Suliap isumagineqarnera tunngavissaqanngitsumik Naalagaaffiup sinniisaanit allatulluunniit pilersitaasumik kinguarsarneqarpat.
- 2) Meeqqamut akilersuisup isertitai suliffissaaleqilerneq peqqutigalugu apparsimappata.
- 3) Akiliut, pisortat tigusassaat, appartinneqarpat imal. unitsinneqarluni atorunnaarsinneqarluni.
- 4) Meeraq angajoqaat arlaanniit aappaanut nuuppat.
- 5) Meeraq angerlarsimaffiup avataani inissinneqarsimasoq, akilersuisuusumiilerpat.
- 6) Akilersuisinneqartoq ataataasutut isigineqanngippat imal. meeqqanut inatsit kunngip peqqussuteqarneratigut Kalaalit Nunaannut atuuttoq naapertorlugu anaanaaqataatitaasoq taamatut isigineqanngippat.
- 7) Meeqqamut akiliisarnissamik isumaqatigiissutaasoq illikartinneqarluni atorunnaarsinneqarpat.

*Imm. 3.* Meeraq meeqqamut akiliummik pisartagaqarpat, akiliisartup soraarnermusiallip allatulluunniit inissisimasup akiliutigisartagaanik tunngaveqartunik, akiliutaasartut atorunnaarsinneqarlutilluunniit appartinneqassapput meeqqamut pisortanit tapiissutit aallartinneraniit, tamanna qinnutigineqarsimappat, meeqqamut tapiulersup siullermeersumik akiliutigineqarneranut qaammatit marluk tikitsinnagit, takuulli imm. 4.

*Stk. 4.* Immikkut ittunik tunngaveqartillugu, meeqqamut akilersuineq imm-1 – 3-mi allassimasunit taaneqartumit siusinnerusumik kingusinnerusumilluunniit allangortinneqarsinnaavoq.

**§ 12.** Ilinniarnermut peqqussummi § 14, imm. 3-mi allassimasoq, atorunnaassaaq kingusinnerpaamik, ilinniarnernup naammassinerani imal. unitsinneqarnerani.

**§ 13.** Naalagaaffiup sinniisaata aalajangiussaq suliatut nangeqqippagu, tak. § 15, imm. 1, social- aamma boligministerip aalajangiussaasimasoq Naalagaaffiup sinniisaanut suliassangorteqqippagu imal. social- aamma boligministerimit akiliutaasartooq allangortinneqarpat, taava tamatumingga allanguineq pissaaq nutaamik aaliangiinnermit ullormit allanguiffittut killiliussaasumiit, takukkilli imm. 2 aamma 3.

*Imm. 2.* Ataani allanneqartutut pisoqarpat, taava akiliutip allangornera imm. 1-imit allangortillugu siuartinneqassaaq, takuulli imm. 3.

1) Aalajangiineq kukkusumik ingerlanneqarsimassaaq, sullinneqartoq Naalagaaffiup sinniisaanut imal. Social- aamma boligministerimut eqqunngitsunik paasissutissiisimappat imal. taaneqartunut attuumassuteqarluinnartunik nipangiussiinnarluni tunniussisimanngippat.

2) Aalajangiussineq assortorneqarsinnaanngitsumik eqqunngitsuuppat.

3) Suliarinninneq akuerineqarsinnaanngitsumik kinguarsarneqarsimappat Naalagaaffiup sinniisaanik, social- aamma boligministerimit allamilluunniit suliamut attuumassuteqartumik pilersitaasumik.

*Imm. 3.* Immikkut ittunik saqqummersoqarpat, akiliutaasoq allanguinerup imm. 1 aamma 2-mi allassimasut atornagit siuartinneqarluniluunniit kinguartinneqassaaq.

## Kapitali 5

### *Maalaaruteqarneq*

**§ 14.** Naalagaaffiup siniisaata aalajangiineranik maalaaruteqarneq peqqussut malillugu Familieretshusemut (Inatsisitigut ilaqtariinnik siunnersuisarfik) ingerlatinneqassaaq, tassanngalu social- aamma boligminsterip aalajangiinissamut atugassaanik piareersaassisoqarluni.

**§ 15.** Naalagaaffiup sinniisaa ataanisut pisuni suliamik qaqitseqqissinnaavoq, maalaarutaasoq tunniunneqarsimappat killiutitaasoq 21, imm. 2. pkt. 1-imi allassimasoq qaaangerneqartinnagu tunniunneqarsimappat:

- 1) Maalaarut qinnuteqaammik imaqarpat, Naalagaaffiup sinniisaata siusinnerusukkut isummerfigisimanngisaanik.
- 2) Maalaarut paasissutissanik pingaaruteqartunik nutaanik imaqarpat.
- 3) Suliaq paasissutissanik pingaaruteqartunik imaqarpat, Naalagaaffiup sinniisaata siusinnerusukkut isummerfigisimanngisaanik.
- 4) Suliarinninnerup ingerlanneqarnerani kukkusoqarsimappat, aaliangiinissamut pingaaruteqarsinnaasunik.

*Imm. 2.* Maalaaruteqartup Naalagaaffiup sinniisaata suliamik qaqitseqqinniarnera social- aamma boligminsterimut maalaarutigisinnaavaa. Imm. 1 malillugu § 14 taamatulli maalaarutitut atatillugu atorneqassaaq.

## Kapitali 6

### *Atuutsitsilernermut ikaarsaarnermullu atatillugu aalajangersakkat*

**§ 16.** Nalunaarut atuutilissaaq 1. april 2024 aallarnerfigalugu.

**§ 17.** Nalunaarut atorneqarsinnaangilaq qinnuteqaatinut, nalunaarutip atuutilinginnerani tunniunneqartunut. Taamaattut pineqartillugit nutaap tungaanut maleruaqqusaasut atuuttut malinneqassapput.

*Social-, Bolig- og Ældreministeriet, ulloq*